

л. 145 об.

мученицы Матрены иже в Селуне. А ко иным болящим святейший патриарх посылал ко многим митрополита Киприяна в соборне и многое множество чудес и божия милости и исцеления немощным и недужным всякими недуги здравие получили и многие чудеса быша. О, владыко всещедрый и милосердый и многомилостивый господь бог и Спас наш Иисус Христос! Каковою обрадова нас милостию своею и подаст велие и неизреченное милосердие и чудо на великую Росию на всю Рускую землю! Мы же грешнии услышим тое святыя святыни и божию милость и чудеса неизреченныя и прославим господа бога нашего Иисуса Христа, сына божия, и молящимся ему, и пролием слезы своя к нему, и просим у него свыше милости божия и всякия благодати, дабы избавил нас от нахождения безбожных и поганьских язык и от всякого зла. Богу нашему слава и ныне и присно и во веки веком. Аминь!